

ديوان بالعامية المصرية

القلب ساكت

الشاعر الصحفي

نصر سليمان



حقوق الطبع محفوظة

مكتبة جزيرة الورد

اسم الكتاب : القلب ساكت (ديوان)

المؤلف : نصر سليمان

رقم الإيداع : ٢٠١٩/٤٨٠٠

الترقيم الدولي: ٤-١١٦-٨٣٤-٩٧٧-٩٧٨



مكتبة جزيرة الورد

القاهرة: ميدان حليم خلف بنك فيصل

ش ٢٦ يوليو من ميدان الأوبرا ت: ٠١٠٠٠٤٠٤٦ - ٣٧٨٧٧٥٧٤

الطبعة الأولى ٢٠١٩



كلمة

.....

"يسكت القلب - أحيانا - ليكتم
آلامه حتى لا يشعر بها غيره .

..... نصر سليمان

الرحمة كلمتك



.....

يارب بقدرتك

إكتب لنا رحمتك

إكتب لنا رضاك

والفوز بجنتك

وبنور جمال صفاتك

الرحمة .. كلمتك



القلب ساكت



.....

القلب ساكت

كأتم آلامه

القلب ساكت

و بأيه ح يفيد

كلامه ..

أنت خلاص

قلبك إختار

ليه أستنى

ليه أحتار

ماهو قلبي

حس .. وفهم
قصداً
أول ما بديت
أنت في صدك
وكنتم عنك أنينه
وخبى لوعة حنينه
ده الفراق
مقسوم ..
وإنكتب ..
على جبينه



نور ابتسامك



.....

خلي نور ابتسامك

يسبق خطواتك

وخلي الخير و سلامك

يدوب في محبتك

وخلي كلامك

نوره للجميع ..

للمحب ...

وحتى لكاره الربيع

خلي قلبك

نبع خير

وإنسى ..

أي جحود م الغير

وإرضي أنت الرب ..

حتشوف منه

كل الخير



مش كل شئ بئتمناه



.....

مش كل شئ بئتمناه

ح نلاقه في دنيانا

ولا كل أمل

سعينه وراه

ح نلاقه ويانا

كل شئ في الحياه

مقسوم ..

الفرحه والأحزان

والأعمار .. باليوم

كل شئ في السما

مكتوب ..

وربي عنده الخير

هو الحبيب

المحبوب



ببساطة.. قلبي حبك



ببساطة

قلبي حبك

ببساطة ...

بحب قربك

وبكلمة واحدة

ومن غير معاندة

أنا ... ببساطة

حبيبي .. بحبك

...

روحك خدتنني

لدنيا هواك

بأعيش الفرحة

حبيبي .. معاك

بالاقي روحي

ديما في قربك

ما أنا ببساطة ..

حبيبي ..

بحبك

...

ببساطة ... روحي عندك

بصراحة .. الود ودك

ومهما قلبي يقول

في حبك

ببساطة ... حبيبي

قلبي حبك



الخير.. عبيره



.....

صباح ..

الخير .. عبيره

و محبة ..

لون أزهيره

.....

والنور ..

في قلبه وضميره

صباح الحب ..

ومشاويره

مع ود القلب

و أميره

حبيب .. مشتاق

لعيره

...



ياريت أنساك



.....

ياريت .. ياريت

ياحبيبي أنساك

ياريت أقدر

أهجر دنياك

ياريت يرجع لي

عمري ثاني ..

ياريت ماجعني بيك

زamani ..

ياريت قلبي ما هواك

ياريت .. ياريت

يا حبيبي أنساك

...

بعد ما هجرت

كل الناس ..

ودوبت روحي وقلبي

في كأس ..

وسقتهم لك يا أعز الناس ..

جاي تقول إنساني ..

يمكن تلاقي قلب تاني ..

يهواك .. ويصون هواك

بعد ما داب عمري حواليك

وعشت حياتي ويا عينيك

تعز عليا حبيبي لقاك

هو ده برضه .. نصيبي معاك

تعز عليا حبيبي لقاك

يعني ده آخره صبري معاك

تملى حياتي بالأشواك

ياريت .. ياريت ..

ياحبيبي أنساك

...

ضياع .. ضياع

رحلتي ويا النسيان

بيدوب عمري

في كاس الأحزان

أوهام .. أوهام ..

دوامة بتطويني

في دمي الذكرى

بتحيي هواك ..

وبتحييني

أجري .. أجري

ألقى كأس النسيان

فاضي ..

أهرب من نفسي ..

ألقاني في حزن

الماضي ..

ضياع .. ضياع

قصة حبي وياك

كرهت الماضي ..

كرهت لقاءك ..

راح أدوب حبي

في كأس حنان

أسقيه لكل من عاش

محروم ..

راح أدوب في كلمة

أمل وحنان

تسعد القلب المظلوم

وياريت تدوب

كل القلوب

حب وحنان

ولا عمري أشوف

دموع خوف

في عين إنسان

وأشوف الفرحة

بتنور

في كل مكان



مهما طال البعد عنك



.....

مهما طال البعد عنك

روحي ديما قريبة منك

تطمئن عليك

وتناجي عينيك

تحكي عني

وتحكي عنك

روحي ديما

قريبة منك

...

يا بدر السما

يا روح ملهمة

حاسة بيا

ثانية .. ثانية

قلبي عندك

نبضه .. ودك

يحكي عني

يحكي عنك

روحي ديما

قريبة منك

...

لو كنت بعيد

أو كنت قريب

مفيش غيرك

في القلب

حبيب

حب .. و وفا

روح الصفا

تحكي عني

تحكي عنك

روحي ديما

قريبة منك

...



مشتاقلك غالية



.....

مشتاقلك يا غالية

يا نجمية عالية

تنور طريقي

بالود الحقيقي

و بتوعد عينا

بأيام حلوة جاية

مشتاقلك يا غالية

...

البعد طال عليا

والشوق سهر عينا

تتمنى قرب اللقاء

من بعد

مرارة الشقا

في دنيا جديدة

أيامها سعيدة

قلوبنا فيها راضية

مشتاقلك ياغالية

...



نور الصباح



.....

الورد بيغني

لنور الصباح ..

يا صباح النور

والطير كله يبسبح

الكريم ..

الفتاح ..

الغفور ..

و الكون كله

يبسبح ..

نور على نور



كل شئ وله ميعاد



.....

كل شئ وله ميعاد

اللقاء .. الفراق ..

والوداد ..

ده نصيب الفؤاد

من الدنيا

وله ميعاد

...

ليه تخلي بكرة

همك

ليه بتحزن

وتعكر دمك

عيشي النهاردة

زي أحلى نهار

ووردة

والي خلقك

هو ديما

بيراعيك

هو الجواد

وبفضله

ح يراضيك

...



بقلبي عرفتك



.....

ياريت يا حبيبي ..

وأنت هناك

تحس بقلبي ..

بيستناك

تحس بلهفة

روحي عليك

بشوق العمر ..

بأحن إليك

...

حلمت بيك

عمري بحاله
و أنت في قلبي
وخياله
ولما شفتك
بقلبي عرفتك
يا حبيبي
أنت الغالي
ومهما تبعد
ومهما تعند
قلبك ساكن روحي
وخيالي



نفوس البشر



.....

نفوس البشر

أسرار .. أسرار

قلوبها غريبة

زي بحار

شوية هادية

وغضبها .. ألم

من نار

وأرواحها عجيبة

فيها سر كبير

منها حبيبة

زي النور ..
زي الطير
منها قريبة ..
زي الوردة
ليها عبير
ومنها .. بعيدة
شريدة .. بليدة
مش بتحب
تشوف الغير
عايشين بمحبة
عايشين في الخير
وربي الواهب
هو الرازق
وفضله علينا كبير



قلبك ديما معايا



.....

قلبك ديما معايا

حبك مالوش نهاية

في القلب ..

أجمل حكاية

شمسي وقمري

وسمايا

...

حبك في قلبي

مالهوش حد

لا عرفته قبلك

ولا شفته .. من حد

ماهو أنت

حبي وهنايا

والفرحة ..

طول ما أنت معايا

حبك .. في القلب

حكاية

ياشمسي وقمري

وسمايا

...



طمني يا غالي



.....

طمني عليك يا غالي

وجاوب عن سؤالي

انت ع البعد قادر

ولا أنت زي حالي

القلب تايه .. يفكر

وعليك انشغل بالي

...

لو روحك بتحب

روحي

لو وردك

بيحب دوشي
حأعيش وياك
أفراح القلب
وأحضن وياك
أنوار الحب
...



مبدع الجمال



.....

سبحانه ..

مبدع الجمال

العظيم ..

المتعال ..

من نوره

الخير والجلال

هو الباقي

والدنيا دوامها

محال

خلق فيها الجمال

ألوان

والورد خلى لعبيره

أوان

والشمس ليها ميعاد

في كل مكان

بس يا حسرة

على الإنسان

ديما يجري

ورا دنياه

لا هو بيرضى

ولا بتهناله

حياة

إلا الي ربي

بنوره هداه

قلبه ديما راضي

وروحه بتسبح

مولاه

...



جرب قلبك يكون مع ربك



.....

جرب قلبك
يكون مع ربك
و تحب نوره
يسكن دربك
جرب .. شوف
حتلاقي سكينه
وراحة بال
حتلاقي البركه
حتلاقي جمال
وصبر جميل

لو ألك طال

ربك قادر

يبدل حالك

لأسعد حال

...



الروح بتحس بالأحباب



.....

الروح بتحس بالأحباب

في القرب ..

وحتى في الغياب

بتحس بيهم وتراضيههم

وحبها من غير حساب

الود صافي

وواحة ..

من غير سراب



بيقول بيحبك



.....

بيقول بيحبك

وهو .. كاره لقلبك

ويكيد فيك

ويقول لك .. بحبك

وهو عمره صحيح

ما حبك

...

هو ديما .. يخادع

وقلبه .. غريب

لا هو صاحب

ولا منك قريب

لا هو مخلص

ولا كان لك حبيب

وشه .. عليه وشوش

وكلامه .. غسل مغشوش

في قلبه .. قسوة

وسواد

ويخسر كثير

بالعناد

...



تقدر تنسى؟!



.....

تقدر تنسى؟!

جرب تأسى ..

حاول تبعد

أهجر .. وإعند

وأسأل قلبك

قادر ينسى؟!

...

مهما بعدت

حترجع تاني

مهما حاولت

في يوم تنساني
روحك عايشة
جوه كياني
قلبك عمره
ما ينسى حناني
حاول تبعد
وأهجر .. وإعند
حاول تأسى ..
وأسأل قلبك
قادر ينسى !؟
...

مش راح تقدر
على النسيان
مش راح تقدر
على الحرمان

كل عناد ..

حيسهرڪ

كل بعاد ..

حيقربڪ

حاول تبعد

وأهجر .. وإعند

حاول تأسى

وأسأل قلبك

قادر ينسى!؟



نورك رباني



.....

يا شهر كريم

نورك رباني

طهرلي روحي

وكياني ...

في صيامك ..

ربي قدرني

وصلاتي في ليلك

بتاخذني ..

لنور غفران

عفو وإحسان

من رب رحيم

بنوره هداي

و أحيى قلبي

و وجداني

وبعفوه و كرمه

ببرزقني

و بنور رضوانه

يوفقني



مفیش نصیب



.....

«مفیش نصیب»

کلمة مرة

للنهاية

«مفیش نصیب»

نهاية

لأحلى حكاية

«مفیش نصیب»

الصبر هو الدوا

للقلب

من البداية

ياما شاف

وإتألم معايا

...



ليه أنا؟



.....

ليه أنا؟!

يطول عذابي

وليل الضنا

يطوي شبابي

فين يا حبيبي ..

فين ألقاك؟

ليه يا حبيبي

تنسى هواك؟

ده قلبي أنا

عاش بيك

وروحى دىما
بتنادىك
لا كان بايدى
ياحببى هواك ..
ولا بايدى
فى يوم أنساك
ده قلبى أنا
عايش بىك
وروحى دىما
بتنادىك ...
بتنادىك
...



أشر الناس



.....

أشر الناس ..

هو الجاهل ..

أعمى القلب

عديم إحساس

أشر الناس ..

شايف نفسه

فوق الناس

ودايس ناسه

ويقول إخلاص

قلبه .. يكابر

وهو .. يعاير

قلوب تنباس

شايف الطيبة

ضعف وخيبة

وهو .. الجاهل

أشر الناس

...



خسران روحك



.....

ياللي بتجري

في كل مكان

جري وحوش

مش إنسان

تدهس ناس ..

ولا دريان !

تظلم ناس

ولا ندمان !

مهما حتكسب

حتكون خسران ..

خسران روحك

روح الإنسان

...



ما تصدقيش!



.....

ما تصدقيش! ..

إني يوم أحن ليكي

إن روحي عايشة بيكي

ما تصدقيش!

إني لسه بحب عينيكي

إني ممكن أعود إليكي

ما تصدقيش!

...

قلبي عمره ما ينسى جرحك

مستحيل في يوم يسامحك

ما أقدرش تاني أصدقك
ده الخداع كان مبدأك
ومهما قلتي أو حتى عدتي
عمري ما أنسى
يوم ما ختتي
يومها ..
أنت عليا هنتي
وما تصدقيش !
إني يوم أحن ليكي
إن روحي عايشة بيكي
ما تصدقيش !
...



ابتسامة م القلب



.....

ابتسامة م القلب

طالعة منورة

ووش كله نور

ومحبة ورضا

يخلي الدنيا أحلى

ووردة معطرة

بلون البدر

وأحلى م الشهد

وحتة سكرة



بالحب حياتنا تنور



.....

الحياة ..

حلم صغير

ومشوار العمر ..

قصير

ليه تخليه

هم ومرار

ليه تعيشه

حزين .. محتار

بالحب ..

حياتنا تنور

بالود..
الدنيا ح تتغير
إنسى الجرح
وعيش الفرح
الكلمة الحلوة
تسعد قلب
وبسمة وكلمة
تروي الحب
حنان ومودة
ويهون الصعب



مهما كان حبك



.....

مهما كان حبك

في قلبي

مهما كان الشوق

كاويني

مستحيل ..

أنا أبوح بحبي

والغرور ..

بينك .. وبينني

مستحيل !!

...

أنت ليه ديما تداري
وأنا جنبك عايش بناري
ومهما زاد منك عذابي
حأكتم الأشواق .. وأداري
ومهما كان حبك
في قلبي
ومهما كان الشوق
كاويني
مستحيل ..
أنا أبوح بحبي
والغرور ..
بينك .. وبينني
مستحيل !
...
ياللي روحك بتناجينني

بكرة .. قلبك حيناديني

لما تندم على الغرور

يملي قلبك ..

خير و نور

و مهما كان حبك

في قلبي

مهما كان الشوق

كاويني

مستحيل ..

أنا أبوح بحبي

والغرور ..

بينك .. وبينني

مستحيل !!



ساكتة ليه



.....

ساكتة ليه

حاشك ايه

نظرة عينكي

حيرانه ليه

ايه مغيرك

ايه محيرك

ياريت .. بصدق

تقولي عليه

...

قلبي الي حبك

و حب صدقك

بينادي قلبك

ردي عليه

همسة عينيكي

لمسة ايديكي

حيرانه ليه

ايه مغيرك

ايه محيرك

ياريت بصدق

تقولي عليه

...

قلبي مايتحملش

سكاتك

نبض حياته

هو حياتك

قولي لقلبي
وكوني صريحة
اوعي تخبي
دمعة جريحة
لسه ساكتة
ساکتة ليه
نظرة عينيكي
حیرانة ليه



اعتب عليا



اعتب عليا

من غير أسية

ده أنت اللي ليا

يا نور عينيا

...

بلاش سكوت ..

قلبي يموت

افتح لي قلبك

قول اللي عندك

واعتب عليا

من غير أسية

ده انت ليا

يا نور عينيا

...

اشكي لي جرحك ..

صارحني

قلبي مسامحك ..

سامحني

ليه البعاد ..

ليه العناد ..

عاتبني .. يصفى

نهر الوداد

واعتب عليا

من غير أسية

ده أنت اللي ليا

يا نور عينيا



النصيب



.....

النصيب ..

بيناديني .. ويناديكي

النصيب ..

حياقيني .. ويلاقيكي

النصيب ..

إنك حبيبي ..

و أنا الحبيب ..

ومهما كان ..

النصيب

وياك قريب

أنت مني ..
غصب عني
بأحن ليك
قربك منايا
عايزك معايا
تحس بيا
وأحس بيك
والنصيب ..
بينادينى و يناديك
النصيب ..
حيلاقينى ويلاقيك
...
قلبي حاسس
ان بكره .. فيه لقا
يجمع أحبه ..

وتفرح
قلوب متشوقة
قلبي حاسس
باللي بيك
لا يوم أسي
ولا يوم نسيك
والنصيب ..
بينادينني و ينادينك
النصيب ..
حيلاقيني ويلاقيك



قلبي بیشابی علیکی



قلبي بیشابی علیکی
من یوم ما شفت عینکی
الروح یا حبیبتي
بتندهلك ..

وحلم جمیل متشوقلك
والقلب روحه فیکي
من یوم ما شابی علیکی
...

القلب لما مال
حبك شغلي البال
والشوق بیزید
فی قلبي
لما بعادك طال

ده الروح يا حبيتي

بتندهلك ..

وحلم جميل متشوقلك

والقلب روحه فيكي

من يوم ما شابى عليكى

...

مهما مرت سنين

عايش في القلب حنين

والشوق يا حبيتي بيتمنى

القلب في لقاكي يتهنى

ده الروح يا حبيتي

بتندهلك ..

وحلم جميل متشوقلك

والقلب روحه فيكي

من يوم ما شابى عليكى



في الشروق



.....

في الشروق

شمس طالة

بأحلى شوق

لنهار جديد

لقلب سعيد

بالمحبة والحنان

بأحلى وردة

في البستان

...



منك وإليك يا حبيبي



.....

منك و إليك

يا حبيبي

بأستغنى بيك

يا حبيبي

عن كل الدنيا ديه

ما هو أنت يا حبيبي

روحي و قلبي وعينيا

و حبك يا حبيبي

في الدنيا .. كل ما ليا

...

الدنيا يا ما وجعتني
روحك هي .. سمعتني
وطيبت جرحي ..
وبكل ود .. راعني
ما هو أنت يا حبيبي
روحي و قلبي وعينيا
وحبك يا حبيبي
في الدنيا .. كل ما ليا



اللي في قلبي



.....

مش بأعرف أقول

غير اللي في قلبي

لا بأعرف أدور .. ولا ألف

وأكتم جراحي .. وأخبي

ومهما يجرى ..

الصبر فيه الرضا

وسلمت أمري .. لربي



جری آیہ



.....

جری آیہ

ما بقتش فاهمك

لیہ

قلب حبیبی

كنت بأحس بیه

أول ما باشوف عینیه

دلوقتی .. تاه کلامه

ما بقتش عارف

حصل آیہ

لا الکلام .. کلامک

ولا أنت ..
اللي قلبي شافك
ليه يا حبيبي .. ليه
بقيت حد تاني
واتفرقت الأمانى
وما بقتش عارفك ..
ليه ..
...
أنت أيه
جرالك أيه
روحك شاردة
وتايهة .. ليه
يا حبيبي صارحني
وفهمني
حصلك .. أيه

أنا ديما يا حبيبي

بصارحك

يا حبيبي .. قولي

على جرحك

عشان أرتاح

ويرتاح قلبك

قلبي يا حبيبي

عاش بحبك



كل واحد خد طريق



كل واحد خد طريق

وانجرح قلبي البرئ

بالخداع .. والي باع

والي آخر سكته

غدر .. وضياع

...

إنتهى بينا الكلام

انتهى وهم الغرام

ده إختيارك ..

آسي نارك ..

تكوي قلبك

حسرتك

ليلك .. نهارك

...

قلبي دواى

جرح غدرك

قلبي شاف

الدنيا بعدك

قلبي فاق

على الحقيقة

وانتهت أحلام

حلوة .. وبريئة

قلبك .. باع

حبك .. ضاع

آخر سكتك

غدر .. وضياع



بصالح روحك



.....

بصالح روحك الغالية

نورت جوايا الدنيا

وإن كان يا حبيبي

شئ مني

إياك يا حبيبي

تبعد عني

ده روحي ديما بتصارحك

وبكل محبة بتصالحك

...

العتاب بين الأحبه

بيزيد قلوبهم محبة
وأنت يا حبيبي عاتبني
ده شوق القلب غلبني
وأنا روي ديمًا بتصارحك
وبكل محبة بتصالحك



الحب لما عرفته



.....

الحب لما عرفته ..

كان .. أنت

والقلب لما سألته

قال .. أنت

والحلم لما شفته

من أمتى ..

كان حبك ..

كان قلبك ..

حبيبي أنت

...

من يوم ما حببتك
حببت الحياة
عشان أبقى جنبك
وقلبي مناه
نعيش في المحبة
أجمل حياة
ده الحب لما عرفته ..
كان .. أنت
والقلب لما سأله
قال .. أنت



مين في جمال حبيبي



.....

مين في جمال حبيبي

وحنينه

هو الدنيا .. وشهد القلب

ونبضته

هو الأعلى .. وأحلى

ما في الدنيا

نوره .. الفرحه

وهو معايا ..

ثانية .. بثانية

...

مين بيحس بقلبي

غير هو حبيبي

مين عايش جنبي

غير هو حبيبي

عايش فرحي ..

ويواسي جرحي

هو الحنان

حضر الأمان

هو حبيبي

وفي قلبي

هو نصيبي



إزاي أقدر على بعدك



.....

ازاي أقدر على بعدك
وروحى عايشة عندك
وقلبي داب في ودك
إزاي أقدر على بعدك

...

حبك .. وقلبك
روحك .. وحبك
مالهومش مثيل
ونور ودادك
وروح حنانك

ليهم سحر جميل
وازاي أقدر على بعدك
وقلبي داب في ودك

...

الدنيا جميلة معاك
قلبي بيستنى لقاءك
عشان يعيش وياك
فرحة جميلة بتستناك
وازاي أقدر على بعدك
وقلبي داب في ودك



أجمل وردة



.....

أجمل وردة ..

اللي تشوفها روحك

حلوة

و أجمل كلمة ..

اللي تحس بيها روحك

إنها غنوة

والصفا .. روح المحبة

بين القلوب

والوفا .. نوره فيه الأحبة

تدوب

خلي روحك ..

ديما صافية

زي النور

طايرة في السما ..

بحب كبير

وعطر زهور



ده مش مكاني



.....

ده مش مكاني

ولا زمانكم ..

زمني

أنتم ليكم .. دنيا

وأنا روحي

في عالم ثاني

لا فيه أحزان

ولا كذب وطمع

إنسان ..

ولا ندم .. وجرح

بينزف من زمان

...

عالم روحي

عالم ثاني

هو مكاني

وأحلى زماني

فيه السما

بلون الود

وفيه البحر

عيون السعد

وفيه جمال

وراحة بال

عالم أبهى

من كل خيال



إنتم مني



.....

أنتم مني

مهما كان

ويكون

أنتم مني

والقلب بكم

حنون

ممکن يعتب

ممکن يتعب

بس بـ «حب»

قلبي يصون



يا أحلى روح طيبة



.....

يا أحلى روح طيبة

فيها السلام .. والرضا

وليها نور عايش

جوايا

و روح محبة

بتملا سمايا

تطمئن قلبي

وتسعد روحي

وهي هنايا

...

يا روح فيها الصفا
و فيها .. ود .. ودفا
روح جميلة .. وأصيلة
و ديما هي ..
مني قريبة
ولروحي ..
أحلى حبيبة



مهما شكرنا وعبدناك



.....

مهما شكرنا وعبدناك

في كل حياتنا وحمدناك

مش ح نوفي

الي علينا

مش ح نوفي

لطفك بينا

مش ح نوفي

خيرك لينا

وكل منا

ترضى علينا

أنت الخالق

أقرب لنا

ربي رحيم

أرحم بينا



بسم الله الرحمن الرحيم

صدر للمؤلف

١ - ديوان (قدرى) ... عن دار نشر « جزيرة الورد » لصاحبها ومديرها الأستاذ فتحي هاشم في أول شارع ٢٦ يوليو ناحية مترو الأنفاق بالعتبة بوسط القاهرة .

٢ - ديوان (بحبك يارب) ... وهو بالعامية المصرية

٣ - ديوان (ربي القدوس) .

٤ - ديوان (مشاعر عفوية)

٥ - ديوان (قالت تجادلني)

٦ - ديوان (كلامك أحلى من كلامهم) .. بالعامية المصرية

٧ - ديوان (تحرر من احتلالى)

٨ - ديوان (بحبك يا أمي) .. بالعامية المصرية

٩ - ديوان (ياشموسة طلي) .. بالعامية المصرية

١٠ - ديوان (نور المحبة) .. بالعامية المصرية

للتواصل مع المؤلف : nasrsoliman2@gmail.com

01012071584

الفهرس

٧	الرحمة كلمتك
٨	القلب ساكت
١٠	نور ابتسامك
١٢	مش كل شئ بتمناه
١٤	ببساطة .. قلبي حبك
١٦	الخير .. عبيره
١٨	ياريت أنساك
٢٣	مهما طال البعد عنك
٢٦	مشتاقلك غالية
٢٨	نور الصبح
٢٩	كل شئ وله ميعاد
٣١	بقلبي عرفتك
٣٣	نفوس البشر

- ٣٥ قلبك ديما معايا
- ٣٧ طمني يا غالي
- ٣٩ مبدع الجمال
- ٤٢ جرب قلبك يكون مع ربك
- ٤٤ الروح بتحس بالأحباب
- ٤٥ بيقول بيحبك
- ٤٧ تقدر تنسى؟!
- ٥٠ نورك رباني
- ٥٢ مفيش نصيب
- ٥٤ ليه أنا ؟
- ٥٦ أشر الناس
- ٥٨ خسران روحك
- ٦٠ ما تصدقيش !
- ٦٢ ابتسامة م القلب
- ٦٣ بالحب حياتنا تنور

- ٦٥ مهما كان حبك
- ٦٨ ساكتة ليه
- ٧١ اعتب عليا
- ٧٣ النصيب
- ٧٦ قلبي بيشابي عليك
- ٧٨ في الشروق
- ٧٩ منك وإليك يا حبيبي
- ٨١ اللي في قلبي
- ٨٢ جرى أيه
- ٨٥ كل واحد خد طريق
- ٨٧ بصالح روحك
- ٨٩ الحب لما عرفته
- ٩١ مين في جمال حبيبي
- ٩٣ إزاي أقدر على بعدك
- ٩٥ أجل وردة

- ٩٧ ده مش مكاني
- ٩٩ إنتم مني
- ١٠٠ يا أحلى روح طيبة
- ١٠٢ مهما شكرنا وعبدناك
- ١٠٤ صدر للمؤلف
- ١٠٥ الفهرس

